

Date – 19/08/2025
Time - 07-30Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Mamit district Saikhawthlir ram chhunga Assam official-te'n rubber huan an tihchhiat chungchangah state pahnih aiawhte an inbia.
2. Chief Minister, Pu Lalduhoman, Opposition party-ten mipuiah insawi ba ngam ve rawh se, an tih ve tur te sawi ve ngam se a ti.
3. North East Students Organisation huaihawtin, MZP General Headquarters chuan nimin khan Vanapa Hall kawt-ah hmarchhak biala ramdang mi an duhlohna tarlangin an pungkawm.

<><><>

RUBBER PLANTATION ISSUE

Mamit District chhung Saikhawthlir khaw bula Rubber kung phun tawh leh la phun loh Rubber tiak Assam Police leh Assam Forest Department-a thawktuten an tihchhiat chungchangah Mamit leh Hailakandi DC leh SP te an inbia a, Kan corr report lo ngaithla ang.

VC: Nimin khan Bairabi SDO (Civil) pisa Conf Hall-ah Mamit DC Pu K. Laltlawmlova kaihhruaiin meeting hi neih a ni a, Mamit District chu Reserved Forest Area huam chhunga a awm thu leh Mamit District chhunga mipuite chuan Reserved Forest Area hmang tangkai turin dikna chanvo tam tak an neih thu a sawi a, tunhnaia Assam Police leh Forest Department-a te chetna hmun chu Kawrthah Forest Division hnuaia awm a nih angin Mizoram Forest Dept GIS Cellin Map a siam chhungah a tel thu a sawi.

He thu hi chhang in, Hailakandi DC Pu Abhishek Jain chuan tunhnaia Saikhawthlir khaw bula Rubber chingtute'n buaina a tawhna hmun chu State Ramri chungchanga buaina a nih loh thu leh Reserve Forest Area a Plantation kalpui a nih avang zawka inhriatthiam lohna thleng a nih thu a sawi a. Helai hmun hi Inner Line Reserve Forest, Gharmura Forest Range, Hailakandi District huam chhung a ni a ti a, Reserved Forest Act 1980 hnuaia humhalh niin hemi Act a Section 2A chuan Rubber kung leh thil dang phun a khap tlat a ti a, hei hi Assam Police leh Forest Department-ten Rubber kung phunte an tih chhiat chhan a ni a ti.

Hailakandi DC chuan Assam State chhungah Kilometre khat leh a chanve vel a thui Rubber kung an phun hi Forest Conversation Act 1980 kalh a nih theih dante leh National Green Tribunal (NGT) ngaih mawh tak anih theih thu a tarlang bawk.

He thutkhawmnaah hian tha taka buaina chinfel dan tur leh hun lo kal leh zelah pawh buaina dang a thlen nawn tawh loh nan ruahmanna fel zawk siam dan tur ngaihtuah nise tih a ni a, State pahnih thuneitu sang zawka thlen dan ngaihtuah nise, tih a ni bawk.

Hetihlai hian Mizoram Rubber Society chuan Aug ni 16-a Assam Police leh Forest Dept mi leh saten Saikhawthlir leh Diltlang Lui zaua rubber phun tawh leh phun mek thahnem tak an tichhia chu an dem thu an sawi a, Chief Minister's Rubber Mission Pilot Project kalpui meka Saikhawthlir leh Diltlang Lui zaua an kuthnathawhpui ten rubber chi an dawn, tha leh zung tam tak senga an phun tawh leh phun mek thahnem tham tak bakah an hmanruate, ramri kân meuha an rawn tihchhiat sak chu an dem an ti a ni.



HEALTH ATM

Mizorama Health ATM hmasa ber Civil Hospital Lunglei leh Primary Health Centre (PHC) Lungsena khawl bun thar chu nimin khan Health Minister Pi Lalrinpui'n a hawng.

Lunglei District Administration hma lakna, "Healthy Lunglei Initiative" hnuaiia khawl bun thar a hawanna ah Health Minister Pi Lalrinpui chuan Healthy Lunglei District Campaign hnuaiiah natna inkai chhawn theih loh endikna leh a chungchang inzirtirna ngawrh taka kalpui a nih thu leh mipui vantlang thawhpaina azara hriselna lama ðhan harhna leh hmasawanna hmuh zel a nih thu sawiin, tuna Health ATM hawn a ni leh ta chu an hma lakna hlawhtlinna belhchhahtu a nih thu a sawi.

Minister chuan Health ATM chu mipuite'n rang taka mahni hriselna dinhmun — BP, zunthlum, taksa inphut dan, taksa boruak thianghlim oxygen awm zat, leh thil dang tam tak hriat nan a hman theih dawn tiin, a hmangtute hriselna dinhmun chu lo chhinchhiahin, digital health record a vawng ðha nghal zel dawn a, inentir tura damdawi in lian zawk pan nana sum, hun leh tha tam tak sen ngai ðhin chu eng emaw chen a chhawk zangkhai thei dawn a ni, a ti.

Health ATM-ah hian test chi hrang hrang 35 vel tih theihin, taksa nihphung tlangpui, zunthlum, thisensang, lung lam, beng, mit leh rilru lam dinhmun te a endik theih dawn a. Hriselna atana ei leh in fimkhur dan tur thurawn te pawh a awm bawk a. Test hrang hrang hi a thlawn veka tih theih niin, darkar chanve tling lova tih zawh vek theih a nih bakah, test result hi mahni phone-ah a dawn nghal theih bawk.



POL PARTY

Chief Minister, Pu Lalduhoman, Opposition party-ten mipuiah insawi ba ngam ve rawh se, an tih ve tur te sawi ve ngam se a ti.

Nimina ZPM Party inkhawm Aizawl-a an neihah he thu hi sawiin Pu Lalduhoma chuan, an beisei chu Kalphung tharin hma an hruai ang a, party

dangin rawn el se, a tha zawngin an inel ang a, ram pawhin hma a sawn phah dawn a. Chutiang awm si lova insawichhiat ngawr ngawr chu thil dik a ni lem lo a ni, a ti.

Chief Minister chuan, mi thenkhat ZPM a tui lo inti ten an rawn berawn a, an tui loh chhan aa hrechiang a, dan bawhchhiat ngaia thil tih tir an tum a, a thei lo a ni a ti a. Khang ho kha chuan kalsan mahse Pathianin midang tha zawk a pek leh a ring tho a ni, a ti.

Chief Minister chian CM protocol in a ken tel venhimna bak doctor leh magistrate bakah Ambulance an inzui tir ngai loh thu a sawi a, an sawrkar ah a hautak lo thei ang berin an kal tih a sawi a. Spare car englai pawha ken ngei ngei tur anih laiin Aizawl pawna zin anih loh chuan ken ani ngai lo a ti a, Doctor leh Magistrate bakah Ambulance pawh a inzui tir ngailoh thu sawiin District tina police in an hmuah thin pawh an ti tawp vek a ti a, a kaihhruai sawrkar chu a hautak lo thei ang berin an kal tih a sawi.

Nimina MNF chhung inkhawmah chuan Party President Pu Zoramthanga chuan MNF sawrkar laia an sulhnu chu sawinep theih a ni lo a ti a, sipai ramluah chhuhsak a, MINECO an din leh Lunglei World Bank road ringawt pawh a nep loh zia mipuiin an hria a ti a, Peace bonus an sawi chhuah pawh Mizoram budget zatve thuak anih thu sawiin MNF Sawrkar laia hmasawanna hna an thawh nasatzia hretu chu zoram mipuite an ni tih a sawi.

BJP chhung inkhawmah chuan State Vice President Pu Vanupa Zathang chuan Indian Foreign Policy chu ropui tak, thenawm ram te thian thaa siam zel ani a ti a, Sawrkar laipui thlazar hnuaiah Mizoram pawhin hma a sawn zel thu a sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MZP SIT-IN PROTEST

North East Students Organisation huaihawtin, MZP General Headquarters chuan nimin khan Vanapa Hall kawt-ah hmarchhak biala ramdang mi an duhlohna tarlangin an pungkhawm a.

MZP huaihawt "Sit-in Protest against illegal immigration in North East States" hi hmarchhak state dang ruala neih niin MZP President Pu H. Lalthianghlina chuan hmarchhak state ah ramdang mi Bangladesh atanga lokal an tam avangin buaina hrang hrang a awm phah a ti a, Assam chu buai ber anni tih sawiin Mizoram pawh harh thar an tul hle tih sawiin Sawrkar chuan ruahmanna khauh tak siamin ramri venghim se an duh tih a sawi.

NESO Coordinator H. Hrankunga chuan vawiina an punkhawm chhan chu hmarchhak bialah dan loa ramdang mi pem lut te dang tura sawrkar nasa taka an nawrna in awmzia a neihloh avanga punkhawm an nih thu sawiin Dan lova ram chhunga rawn pem lutte chu hmun dangah sawn kual mai mai an nih lohna turin thenawm State-te leh a kaihhnawih Agency-te nena thawhhona tha neih an duh thu a sawi bawk.

India hmarchhak state hrang hranga Zirlai Pawlte chuan an State Chief Minister-te hnenah theuh Memorandum thehlut bawkin, chu an memorandum-a an thu tarlan zingah chuan dan lo va pem lutte hriatchhuah thuai leh ram danga thawn chhuah theihna tura hmalakna khauh tak kalpui tur te, Indo-Bangla ramri khar tur te, A ram leilung fate dikna, hnam ziarang leh nunphung, tawng, Politics leh ram neitu an nihna humhalh leh venhim ni rawh se tihte a tel a ni.

<><><>